

仕

超日明三昧經



百七十七
周七

48543

山

凡

其

其



山城州天安寺法金剛院置

皇圖鞏固

帝階綴昌

佛日增輝

佛日增輝

元祿九年丙子二月日重修

佛

藏

佛說超日明三昧經卷上

罔

西晉太始年清信士聶承遠譯

聞如是一時佛遊維耶離柰氏樹園與大比丘衆俱比丘二萬八千菩薩八萬一切大聖神通已達悉得揔持攬十力慧住無所住超三脫門善權方便莫不從化三達之智無所罣礙遊步三世獨尊無侶見生死原本末所起應病授藥令各得所守護法城救濟群萌行四等心慈悲喜護四恩隨時開建橋梁布施持戒忍辱精進一心智慧以度無極解空無相無願之法得不起法忍現入衆生都無所起誨諸退轉令不迴還八不思議拔度八難

與法身合示現菩薩或為如來聲聞緣覺猶
如日光無所不照往來十方亦無周旋觀一
切法如化幻夢野馬影響悉無所有利衰毀
譽苦樂善惡永已滅除皆過世間諸所有法
至于道場等無增減其名曰普明菩薩普達
菩薩普智菩薩普慧菩薩普至菩薩光明菩
薩光焰菩薩光等菩薩光英菩薩光造菩薩
慈光菩薩慈施菩薩慈戒菩薩慈忍菩薩慈
進菩薩慈寂菩薩慈智菩薩慈救菩薩慈護
菩薩慈雨菩薩慈明菩薩慈普菩薩如是等
上首八萬德皆如是今時世尊與無央數百
千之衆眷屬圍遶而為說經講大乘業無極

之慧於是城中有大長者名曰善寶與千人俱各各手執七寶之華來詣佛所稽首佛足以其寶華共散佛上而各誓願願使十方衆生之類心軟如華意淨若空如來威神令諸寶華皆在空中於世尊上合成華蓋華蓋之光普照十方諸佛國土國土菩薩諸天人民靡不覩焉諸佛世界各有無數億百千菩薩來詣佛所稽首畢一面坐於是慈普八萬大士與百億天帝釋梵王與三十億梵諸天大神妙天與十億眷屬淨居天與二十億侍從魔子導師與五十億伎黨相隨俱來詣佛歸命稽首足下退住一面阿闍世王與八萬人

波斯匿王與五萬人維耶離王與諸尊者八
萬四千入鬱禪王與二萬人悅頭檀王與九
萬人拘夷那竭王與六萬人如是諸王各
將官屬不可復計俱來詣佛稽首于地退坐
一面諸比丘比丘尼清信士清信女諸天龍
神阿須倫迦留羅真陀羅摩睺勒人與非人
無央數億不可譬喻來詣佛所稽首于地各
各分部或坐或住佛在衆中威神特尊如日
初出若星中月猶須彌山映于大海周照四
域世尊放身光明巍巍聖慧無邊普照一切
靡不蒙度四品瞻仰猶冥覩明於時會中有
菩薩名曰普明從座起整衣服長跪叉手以

偈讚曰

大慈哀愍群生
開無目使視瞻
處世間如虛空
心清淨超於彼
觀法本無所有
影響化幻芭蕉
從無量難計劫
慈心等定廣化
了三界其若夢
生死五之本末
佛光明靡不照

為陰蓋盲冥者
化未聞以道明
若蓮華不著水
稽首禮無上尊
如野馬水月形
曉三界亦如是
積功德不可數
衆生類皆被荷
覺悉滅無適莫
斯恍忽無所有
威相好難計量

道巍巍無等倫
本發意為十方
以獲願過於空
坐佛樹力降魔
解諸法本自然
衆上佛七寶華
光普照十方國
聖尊德踰須彌
所敷演不可踰

尔時普明說此偈讚佛已長跪叉手問曰唯
然世尊斯諸會者有發菩薩意或未發者有
得不退轉或未得者有得不起法忍一生補

故誓首禮十方
拯厄難濟黎庶
一切人莫不蒙
逮無量覺道成
於異術無所求
在虛空成華盖
群黎集受法誨
智慧光超日月
故誓首大聖雄

處道德成者或在五道生死縛者如來加哀
深爲演現無極寶藏今未解達心得燿然愚
冥覩明得不退轉寧有三昧名普照深淺消散
二法疾至無上正真道乎佛言善哉善哉普
明多所哀念多所安隱愍傷諸天及十方人
各令得所諦聽諦聽善思念之唯然世尊願
樂欲聞佛言有三昧名超日明菩薩逮得是
者無所不入譬如日光在所而現無所蔽礙
化終始者使暢三處心意所爲其未發意興
菩薩心已發道心至不退轉立不迴還至一
生補處已得補處究竟無上正真之道等如
虛空無往無來不出不入無所不行行八十

事乃諦逮得斯定何等八十解眼空除耳聲
無鼻齶拔言著濟于識息貪婬休恚恨釋愚
癡了色沫痛若泡想野馬行芭蕉識猶幻心
本淨意喻夢念同像不見身不計人不有壽
不保命四大空五陰無根六衰無原七識無
主行慈心哀一切志和悅護諸根無憎愛離
衆對不散行無合會無施不慳無戒不犯無
忍不怒無進不急無寂不亂無智不愚不廢
俗不專道講說法不爲身爲一切無所著亦
不斷亦無縛無所解行平等却睡眠無諸蓋
不受入不隨對心自解順佛教不違法不輕
衆愍十方人如父嚴教若母撫育譬于順親

恩如己身不自爲形不爲他人亦不爲法行
菩薩道弘持雅志不爲邪想無聲聞念無緣覺
意不求妄想棄彼此行一切無倚不見三世
了三界本不心意識解道若空離去來今深
入大慧一切本無行大善權佛語普明是爲
八十行若遵修者則疾得至超日明三昧譬
如日出一時徧照百穀草木仰天之類莫不
成熟逮斯定者等入一切上中下行無所不現
而皆度之如月盛滿消夜窈冥以大定光進
却三垢想蔽用除而覩上道如大醫王選採
百藥以療衆病各各得愈以無極慧隨衆本
行而爲說法屏色痛想行識求使獲神通又

如船師御牢堅船度人往還而無停滯示現
泥洹濟無量人開化止處解三界空修至終
始救攝群萌如雄師子隱于林藪諸獸攝伏
獲斯定者開士獨步周旋三界六十二見九
十六徑諸墮邪者皆爲降棄從受道教三品
得所如轉輪王典領四域天下戴仰斯定四
等以四恩行分別四大度脫衆生生老病死
我人壽命使知本無得至大道猶若巨海悉
受衆流包含諸寶竒妙異珍一切法門揔持
辯才諸定意門悉而歸之光演深邃無上慧
義興隆三乘洗濯愚冥超至日明三昧尊定
佛時頌曰

譬如日出時

其光悉徧照

百穀仰成熟

大定超於彼

等至於一切

雜行群萌類

普現無不周

莫不得過度

醫王療眾病

隨時而授藥

斯定應所宜

姪怒癡消除

船師度往還

從此到彼岸

菩薩亦如是

所濟無窮極

譬如雄師子

獨步無所畏

六十二疑見

斯定皆降化

若轉輪聖王

綏恤四天下

菩薩猶如斯

四等度群黎

巨海受萬川

瓊琦異珍寶

斯定苞諸法

施以七大財

假使有發意

欲至無極慧

常尊斯定義

疾獲正真覺

佛語普明菩薩有四事疾獲斯定何謂四愍

傷群黎如已骨髓植衆德本不望其報觀四大空猶若如夢計五陰本則野馬也是爲四事佛時頌曰

欲獲定意者

愍哀衆生類

猶如已骨髓

立德不想報

觀身四大空

恍惚其若夢

計五陰本無

譬若如野馬

假使解慧者

則不見吾我

縷練一切原

速逮斯定意

佛語普明菩薩有四事疾得斯定何等爲四

煦育衆生愛若赤子常行慈心無有彼此勸

誨愚癡示以道明晝夜精進志道無求是爲

四佛時頌曰

養護哀衆生

如父母愛子

大慈不勞望

等心無適莫

勸化誘愚蠢

使觀大道明

夙夜樂正法

乃能逮斯定

佛語普明菩薩有六事疾得斯定何等為六
布施平等奉持禁戒一切無犯忍辱之力被
大乘鎧精進勤修未曾懈廢一心攝意使無
衆想智慧明了不著三界是為六佛時頌曰

布施無所望

護戒若山地

忍辱立大力

則被大乘鎧

若修大精進

未曾有懈休

一心禪三昧

智慧無罣礙

不自覩緣變

所從興造立

三處忽現沒

一切無所住

佛語普明菩薩有十事疾得斯定何謂為十

施安於人除諸穢害消化塵勞和合別離釋

理邪見六十二疑曉無吾我常崇十德欲濟
一切三趣之難不為外術所見迷網從本無
教無合無散是為十事佛時頌曰

施安悅衆生

離諸穢害想

消化於塵勞

和合亂別離

釋六十二見

曉了無吾我

常遵崇十德

欲濟拔三趣

矜愍諸八難

往來周旋者

猶若盲無目

不自覺沒冥

以故興大哀

救脫衆危厄

分別深遠慧

疾得斯定意

佛語普明菩薩有七事疾得斯定何等為七

心專志道不為他念於法自在分別英妙悅

顏一心瞻察衆生信知諸法無有根源常加

精進不廢于道建立大意志存永安將順護
法至獲大定是為七事佛時頌曰

策心專志道

未曾興他念

分別於空法

和顏向一切

曉了三脫門

解諸法無根

常修精進行

不廢於道教

建立大弭意

將養到永安

救護寤迷惑

得超日明定

佛語普明菩薩有十事法疾得斯定何等為
十無我無人無壽無命無聲聞無緣覺不處
二法不著菩薩不想見佛不在生死不處泥
洎是為十佛時頌曰

不見吾我人

不計身壽命

無有聲聞心

蠲除緣覺想

不處法有二

無著於菩薩

不覩想佛身 不住有無際 燿然不自見
乃覩一切空 因緣不復起 乃得成定意
佛語普明菩薩有八事法疾得斯定何等為
八等觀邪正無有二心常念三寶今不斷絕
講深法義未曾言語業以大乘不樂弟子所
造順法不捨佛道平正方便除諸起滅因緣
之想永已滅盡意止至寂不為憤亂一心定
意覩見十方是為八佛時頌曰
等觀諸邪正 二俱無所處 常念於三寶
令慧不斷絕 演說深義要 未曾生他想
業以供大乘 不慕於小乘 所造常順法
不釋佛正道 方便行平等 除諸起滅緣

意止至寂寞 未曾興憤亂 一心存定意
則覩十方佛

佛語普明菩薩有七事疾得斯定何等爲七
解色本空聲如呼響香若風等味猶緣合細
滑何樂曉識如幻諸法喻夢是爲七佛時頌曰
解色之不空 音聲猶呼響 鼻香因風氣

細滑更則過 了諸識幻化 一切法則夢
能分別如是 得超日明定

佛語普明菩薩有五事疾得斯定何等五等
心十方人與非人於供養利不以適莫若有
講經後不宣闕不望他有財色之寶深入微
妙難喻之法是爲五佛時頌曰

等心於十方

人非人無異

若獲於供養

其志無適寔

假使講經者

歿命不誦闕

不望他財利

深入乃逮定

佛語普明菩薩有五事疾得斯定何等五過

空無相不願諸法曉三達智辯才無量行大

智慧度於無極善權方便無所不入是為五

佛時頌曰

過空無相願

曉了三達智

辯才不可量

所說如大海

修行大智慧

所度於無極

善權皆周普

日明定如是

佛說是語時三十億菩薩皆得不起法忍八

萬四千人發無上正真道意三萬人遠塵離

垢諸法眼淨八千比丘漏盡意解三千世界
六返震動雨天華香筵篋樂器不鼓自鳴飛
鳥禽獸皆來集聽十方菩薩自然飛來各擎
諸華如須彌山用散佛上若干種衣被服珍
寶供養卅尊大聖難值如優曇鉢華時時可
遇斯法希有難以遭焉佛大神通從無數劫
積功累德恢弘大哀布施持戒忍辱精進一
心智慧善權方便皆爲黎庶自然獲之功不
唐捐吾爲善利得見如來聞深妙法超日明
定意快哉快哉何乃僥倖至如斯乎佛告諸
菩薩審如所云實無一異信於深法能遵修
者則當逮得超日明定意十慧之德何等十

具足四等四恩無厭遵崇大慧普暢大定神通則達成就六度不起法忍善權方便見十方佛能領國土一生補處已逮道場三達之智是爲十說是語時無數菩薩得不起法忍不可計人發無上正真道意尔時有菩薩名離垢目白世尊曰何謂菩薩學何謂聲聞學何謂緣覺學佛言無限無礙其心泰然是菩薩學有限有礙其心偏局是聲聞學庶慕大乘進退無慧心存中時是緣覺學離垢目又問何謂無限何謂無礙何謂泰然佛言發無上正真道意慈哀一切欲度蚊行喘息人物之類布施持戒忍辱精進一心智慧善權方便但

爲一切不念己身。遵四等心。慈悲喜護。加以
四恩惠施。仁愛利人等利。一切救濟危厄窮
匱者。化之爲道。而爲黠慧學菩薩道。自省已
過不察。彼闕敬人如父。如母。如子。如身。等無
有異。以身敬德。敬一切人。以愛赤子事。愍一
切人。仇怨親友。心無殊特。解知身空。衆生無
處。吾我自然。諸法自然。道法自然。佛法自然。
一切本無。無形無貌。是謂無限。於生死元求。
索泥洹不見。泥洹於泥洹元求。索生死亦無。
所覩不惡。生死不任。泥洹住無所住。猶如日
光徧照。悉至亦無往來。光無想念。念菩薩如是。
普入一切亦無所入。亦無往反。周旋之想。譬

如大海中有七寶明月之珠龍神蛟虵龜龜魚
鼈悉含受之無憎無愛其水一味亦無能穢菩
薩如是現於生死三趣之難若至泥洹無爲
之界未曾增減心如明珠若喻淨水終不穢
濁普濟群黎入諸通慧平等之味以示衆生
猶如空中生藥樹毒樹其毒樹者不害虛空
其藥樹者無所療除菩薩如是若在生死三
毒之中無所染穢假在泥洹清淨之處亦無
所淨俱度黎庶無所不濟雖曰有入亦無出
入往來周旋是謂無礙道心無限不有處所
無人無心亦不可得度衆生心如一切法如其
趣此者則趣平等其趣平等則等正覺無三

界也無聲聞地無緣覺處無菩薩住不處有
爲不處無爲不有不無亦無過去當來現在
之處度無所度生無所生道跡本無往來本
無不還本無無著本無緣覺本無三界本無
衆生本無佛道本無無此本無乃真本無無
所適莫是謂其心泰然離垢目又問何謂爲
限何謂爲礙何謂其心偏局佛言畏惡生死
三界之患言泥洹一不了自然馱身之苦
憚無數劫周旋塵勞布施持戒忍辱一心精
進學智不倦頭目耳鼻髓腦肌肉支體在所
惠與不可稱限乃至于佛豫懷是心便却不
學菩薩法欲求滅身是謂爲限以得羅漢欲

有所度三昧禪思乃見人心不能豫覩一切
根本不應病授藥過欲久住觀察惡露不淨
之體不以為樂視如讎賊如虺如毒早證泥
洹是謂為礙住于泥洹好明惡冥不了諸法
都無根本而求處所不知空慧是謂其心偏
局離垢目又問佛言何謂中時佛言發菩薩
意布施持戒忍辱精進一心智慧皆謂望想
欲得世尊三十二相八十種好威神聖德與
衆卓異不解本無如來之化示現身命反求
謂有又謂有人欲度吾我不知本空行四等
心四恩著行不至空見無為因止不知進退
不得空慧欲度衆生無權方便法身之明可

以濟之是謂緣覺學說是語時無數千人皆
發無上正真道意於是長者子名曰淨教與
五千群從來詣佛所稽首足下退坐一面叉
手白佛此諸群從好樂佛法欲發道意積何
等行得至道慧施行何法得攝佛土佛言有
一法行而應道意何謂一心性調柔等向一
切是爲一佛時頌曰

心性常調柔 志意不麤獷 平等攝一切

乃應菩薩行

復次又有二法爲菩薩行何謂二寂然心淨離
諸著觀覩無所見唯志大道是爲二佛時頌曰
心淨常寂然 離見諸著觀 釋六十二疑

惟志大道行

又有三法為菩薩行何謂三曉空不著無相不縛無願不脫是為三佛時頌曰

心常曉了空

無相不復縛

無願無所脫

乃解三界結

又有四法為菩薩行何謂四常道慈心無有害意長養道化常修悲心愍傷衆生生死勤苦為之兩淚常奉喜心和顏悅色向於群萌無憎愛心常行護心勸教衆生使發道意以發道意至不退轉以不退轉至於道場無上正真之意是為四佛時頌曰

常遵四等心

和顏意志悅

愍哀群生類

矜傷而雨淚 心欲度衆生 等心無憎愛

救護以道法 乃應菩薩行

又有五法為菩薩行何謂五奉於禁戒而無所犯定意攝志令心悞怕智慧解空而無所起脫於五陰使無處所示現三界覩無所有是為五佛時頌曰

持戒無所犯 三昧意不亂 智慧分別空

濟脫五陰聚 覩見三世厄 示現在其中

隨時而開化 各令得其所

又有六法為菩薩行何謂六目覩皆空耳聽無聲鼻嗅無香口語無言身不存細滑心無思想是為六佛時頌曰

目所覩皆空 耳聽無有聲 鼻香無所著
舌味無所有 計身但四大 心了本空事
如是曉無形 乃應菩薩行

又有七法為菩薩行何謂七攝身口心寂定
無乱無所復違是為七佛時頌曰

常攝已身口 其心靜不乱 寂寞定三昧

神通無不達

又有八法為菩薩行何謂八施度無極戒度
無極忍度無極進度無極寂度無極智度無
極權度無極成明慧行是為八佛時頌曰

布施度無極 戒忍精進禪 智慧自然達

道明為最尊

又有九法為菩薩行何謂九除五陰去六衰
滅三垢蠲八難不著三界不慕三世離羅漢
心遠緣覺意常志大道是為九佛時頌曰

除五陰六衰

無三垢八難

不著於三界

三世無所處

以離羅漢心

無緣覺之念

常慕求大道

斯謂菩薩行

又有十法為菩薩行何謂十法寶三昧善住
三昧無動三昧度無轉三昧寶積華三昧日
光曜三昧諸利義三昧現在前三昧慧光曜三
昧勇猛伏三昧超日明三昧是為十佛時頌曰
以法寶三昧 善住無所動 堅立不可震
寶積華三昧 光曜諸利義 現在慧光明

勇猛伏三昧

乃獲超日明

復次離垢目菩薩布施天人樂從開化慳者
令無所惜菩薩遵戒天人樂仰化放恣者令
無殃疊菩薩忍辱天人樂修化忿恚者令無
織界菩薩精進天人樂隨化懈廢者令建勤
仿菩薩一心天人樂習化憤擾者令志安寂
菩薩智慧天人樂順化蔽礙者令通聖範菩
薩行慈天人樂之化不仁者令等惋戀菩薩
行悲天人樂之化愚迷者悼愍衆生菩薩喜
悅天人樂之化愁感者法鼓自娛菩薩行護
天人樂之救化無援將養一切菩薩講法天
人樂聽化志俗者令慕聖典菩薩謙苦天人

樂恭化貢高者恭敬三寶菩薩利人天人樂
慧化無義者令普施恩菩薩等攝天人樂豫
化不恢泰令接未達菩薩行權攝諸衆生化
之爲善成平等覺悉生彼國菩薩行三十七
品之行以攝衆生意止足斷根力覺道攝取衆生
使令寂然若成佛時悉生彼國菩薩在于大
會講深妙法欲使蠕動悉蒙超度若成佛時
皆生彼國菩薩行十德以攝衆生悉以開化
護身口意菩薩說經蠲除八難以攝衆生行
八正道若成佛時皆生彼國菩薩自省不求
彼闕以攝衆生離諸邪見六十二網若成佛
時皆生彼國菩薩說法以攝衆生脫於八縛

得至八解若成佛時皆生彼國菩薩說法除
八思議至不思議法門之海若成佛時悉生
彼國菩薩說法假使逮得無所從生法忍成具
佛事示現泥洹度無量人皆使得道如是離
垢目菩薩所行本末若斯以應此行号字自
然成立國土度脫群黎佛說是時離垢目長
者子五千營從皆發無上正真道意尋時逮
得不起法忍於時有居士名曰見正前白佛言
我常聞佛思一奉覲罪蓋之故不能自到今
日乃果欣踊難量視尊無厭聽法不倦惟加
大恩使我世世值遇天尊佛言善哉善哉有
四事法常不離佛何謂四常念如來立佛形像

聞經深義則信奉行雖不見佛曉了本無知
十方佛則一法身是為四事不離諸佛又有四事
雖面覩佛則不見之何謂四事如來現在往不聽
經不採其義不能奉行不宣示人是為四事
雖面見佛則為不見又有見佛自計吾我不
解非常苦空非身墮四顛倒聽經著音不能
分別呼聲之響於其人身則滅度也佛以滅
度不現世間其人聞經欣然心開如冥覩明
曉知如來隨俗現化奉行道教不違經典離
外邪法六十二見行四等心無憎無愛佛雖
滅度志達如是常為相見又復問曰何謂見
佛何謂聞法何因供眾佛言見如來身觀知

何行得至於佛本因六度無極愍傷一切如
父如母如子如身不貪四大是爲見佛聞說
經法不著音聲但取其法不取於人取要不
嚴取慧不形取正不說是爲聞經若見道跡
往來不還無著緣覺世尊菩薩等心供養謙
遜畀順不以憍慢爲見聖衆又復問曰何謂
魔事佛言魔有四事何謂爲四一曰身魔身
犯衆惡五陰六衰不順佛法二曰欲塵魔愛
欲情態無有休息三曰死魔生諸想著不興
法念四曰天魔及與官屬來試乞求無有厭
足意止意斷魔則降伏譬如兩木相揩則自
生火還燒其木火不從風出不從水出不從

地出其四魔者亦復如是皆由心生不從外
來譬如畫師畫作形像隨手大小雖因緣合
有彩有板有筆畫師不畫不能成像四魔如
是心以堅固便無所起則無四魔所以者何
五陰無處四大本無十二因緣無有端緒曉
了如是則無魔事計我人壽命隨魔見縛分
別無身乃降伏魔離垢目白佛言何謂法寶
三昧佛言不斷三寶佛法聖衆何謂不斷發
無上正真道意成就德本如須彌山信樂大
乘心不動移先覩嘉瑞三千佛土億百千藏
皆滿具足逮成殊勝難當揔持而成就通達
施度無極初發心時捨身之安常憂一切諸

樂所樂不以爲樂離俗所慕以法爲樂何謂
俗樂吾我人壽五陰六衰十二因緣妓樂飲
食官爵俸祿財物富貴妻子奴婢眷屬營從
田宅牛馬車乘衣被是俗所樂何謂法樂曉知無
我無人無壽無命五通六達十二部經講讀
諷誦菩薩道法於七法財不以爲厭四恩之
行行四等心慈悲喜護六度無極衆善之行
無毀害心蚊行喘息人物之類以爲國土不
自稱譽不毀諸餘其心悽悽常在一切天神
龍鬼人民大小覩斯人者莫不興意而爲善
德是謂法樂又行十事何謂十信根第一定
根爲本大慈爲原大哀爲尊志性調柔諸通

慧正建立衆生四恩爲首道品則最志獲佛
法以爲徒類是爲十復有十事不犯何謂十身
不殺盜婬口不妄言兩舌惡口綺語意不恚
疾狐疑邪見是爲十愍十方人如母念子於
色痛想行識不乱不爲俗人所惑不爲榮貴
所侮不從貪欲不從瞋恚不從愚癡不謗三
寶不懷譎詭興六念行念佛法衆施信慧出
入行步不尚矜高初發意者如月始生會當
成滿天龍鬼神所見擁護不爲邪惡所見中
害心存三法以道爲寶以世爲無常是爲法
寶三昧離垢目又問何謂善住三昧佛言譬
若如地善惡好醜美苦香臭不淨之物悉受

不汙菩薩如是受一切法而自修立先覩嘉瑞
三千佛土平等如掌衆寶蓮華以為莊嚴逮
成殊勝難踰揔持則具超越戒度無極又行
十事蠲八難態建立佛德度於聲聞緣覺之
乘淨身口意諸事所由皆從佛法莊嚴志性
度三趣厄具滿諸願檢御人心是為十身常

行慈不竊不姪講議經典不為浮譁至誠和
靜言輒不麁未曾綺飾捨貪念施為人安調
離於邪見好樂正法常觀非常苦空非身以
世為穢以法為計心自修立常患不及視身
無益五陰則損欲拔五欲佛道為尊不懷悔
恨察天不常觀人如夢三塗最苦憐愍傷之

以何方便自濟生死五陰之難并化他人計
十方人則為我所所以者何欲度脫之見來
侵者不念其惡若光益者不偏念善見罵詈
者默而不報若搥捶者受而不按若瞋恚者
慈心向之若輕毀者哀而不害又自著取從
無數劫在生死中五陰所蓋不能自拔迷心
惑意流於五江四懼之患不能自覺有物能
施知財非常身非我有求于善友遠離惡友
發意向佛恒求尊經不慕世名行常恭敬志
於信戒聞施惠道不為疑惑犯禁懈怠慳貪
愚癡捨道義也常思念法如飢求食稍入於
道如泉遠流轉入於海如母生子乳哺養育

治生救命不居畜積供給父母兄弟妻子奴
客婢使皆念愍哀欲令得度不墮三塗使越
三界歸命三尊佛法聖衆獲三達智無礙之
慧不爲三垢之所點汙也行如是者則善住
三昧也離垢目白佛言何謂無動三昧佛言
譬如師子諸獸之王衆獸畏威靡不懼伏先
覩嘉瑞三千佛土自見執持五兵勇猛逮成
善住揔持則具超越忍度無極又有十事何
謂十忍辱爲本信悅爲力教一切人深妙法
忍散割諸結除所欲得不慕身原不惜壽命
以諸通慧超三脫門觀法平等是爲十護身
口意常以諸法而興因緣何謂法樂樂於佛

法不好俗法樂聞經典不思世談樂供養衆
不爲俗黨但樂三寶不志三垢樂度三處不
爲點汙樂觀四大爲地水火風不計我許樂
安人物不爲危害樂施所有不爲慳恠樂奉
禁戒不毀所尊樂忍於辱不失德本樂精進
力不爲罪根樂禪一心不爲亂意樂深智慧
不爲愚惑樂化塵勞不爲垢濁樂佛國淨不
厭開化樂嚴道法不爲非法樂三脫門離空
相願樂無爲法不樂俗僞樂入深法不爲失
節志樂欣喜離怒不諦樂自然法亦不捨人
樂習善友遠世親厚樂常志道不造迷惑樂
講正義不爲俗曲樂慕菩薩不爲聲聞樂求

正覺不爲緣覺樂向大道不爲細術樂存八
等不爲八邪樂六十二慧不爲自墮六十二
見樂無上法不爲下劣樂大乘業棄羅漢法
是爲法樂又有十事疾得定意何謂十事慈
心哀人不爲危害常行十善遠離惡行專心
修道善念佛法如飢求食如渴欲飲普尊深
義不偏他念慈念十方欲度一切不自念已
是爲十所以名曰無動三昧之法超越第一
第二三昧之故不爲欲法之所迷惑奉行菩
薩慈心之法布施持戒忍辱精進一心智慧
以救衆生三趣之難稍習大慈欲濟三界視
一切人如己無異不爲他念常念法念以法

爲本以俗爲罪常哀群萌悉使至道是爲無
動三昧離垢目白佛言何謂度無動三昧佛
言譬如自然鈎鎖力士勇猛力强多所開闢
獨步雄傑雄傑無侶除諸穢害塵勞讎怨先
覩嘉瑞三千佛土四方四隅有大風來吹若
千種華普徧佛土分別逮成難當惣持則具

超越進度無極又有十事何謂十等精進根
進力爲本平等方便意志爲首令一切人不
貪樂身而以心口順化衆生所任不迴而無
處所精進最上降伏怨恚勤修成就諸通妙
慧是爲十念四大身猶如蚍蜉畏老病死不
捨終始不爲惑事慈悲喜護蚊行喘息人物

之類如父如母如子如身等無差特常思道
義無貪怒癡念爲布施不爲慳想奉持禁戒
無犯惡想爲忍辱念無瞋恚想常修精進無
懈怠想專精一心無亂意想智慧行正無闇
蔽想常求方便至心善權無放逸想念勸化
人如度己身一切所有非我之有念墮地獄
者毒痛之患如身自遭常省己過彼罪代受
不以爲怨念餓鬼趣飢渴窮乏爲之悲泣戰
慄寒心欲令度脫自然安隱使服法食除五
陰六衰之渴誦習經典以爲飯食分別深義
以爲飲漿修六法行以爲賢良出入行步精
進安詳念墮獸者常懷惻愴欲令安隱畢其

存責了故世罪無令造新奉行諸善不爲衆
惡自觀察已世世不了坐計吾我不信道法
思犯罪者如沒深淵奉法信戒心如虛空不
解法者展轉五道猶如車輪父母相憂兄弟
相念夫婦相戀持心不堅本爲父母反爲子
女本爲子女反爲父母或爲夫妻更爲怨家
顛倒上下無常根本此菩薩意常慈念之開
化使信入佛正道信解非常苦空非身是爲
度無動三昧離垢目白佛言何謂寶積華
三昧佛言譬如忉利天上晝度樹以諸本行
度於五根超越衆生心淨如空先覩嘉瑞三
千佛土衆音妓樂雜按瓔珞莊嚴其身以思

夷華光曜其體兩解脫華及青蓮華侍在其
上則以是故諸德揔持便爲受應禪度無極
又有十事何謂十調伏諸根以爲德本一心
爲力平等方便定意不乱禁戒爲元脫門爲
上趣于定要而無所有消殪勞塵具惟諸定
是爲十愍哀五道攻除五陰成立五根蠲化
五色而已積德具足五品戒定慧解度知見
品志慕五通十力當蒙不與諸殃罪疊相遇
在在生處常修佛法名德遠著哀三界居不
爲愚迷了善惡趣譬如萬川歸向四流駛水
之瀆此菩薩行奉法如是精進不休遂得大
道譬言若如月十日之時光明轉盛遂照衆星

菩薩如是功德威曜日日增益度諸危厄哀
愍群黎群黎之患又有五事行何等爲五五
戒清淨譬如明鏡無所點汙十善不犯以淨戒
爲具足不失道意不爲邪想不自貪身是爲五
復有五事除瞋恚色無怯弱心棄慳貪意蠲
諛諂志分別解空不但口說常修一心不爲
亂行知世豪貴富樂如化觀色如泡痛癢如
沫想如芭蕉生死如影識若如幻不爲色使不
以痛癢惑不爲想還不爲邪行不爲識退解
五陰空是爲五復有五何等五貪婬瞋恚睡
眠調戲狐疑除斯五蓋徹視洞聽輕舉能飛
知人心所念自知所從來生死之處以五神

通而自娛樂不以五陰而為放逸身修德行
不為非法開化說法多所安隱不為多患危
害之事以道為業習法為食解味為飲不慕
豪貴以法為豪解空為貴是為寶積華三昧
離垢目白佛言何謂日光曜三昧佛言先覩
嘉瑞見三千佛土衆寶浴池八味之水湛滿

且清植以青蓮紅黃白華周匝欄楯皆用七
寶與瑞華俱底布金沙自身娛樂遊戲其中
逮成慧定燈明揔持則具超越智度無極又
有十事何謂為十慧為根源智力為上正見
為最等意為勝修身諸德盡入諸種聖諦之
相為平等相慧無陰蓋除諸往見不起法忍

是爲十事觀于六情本無處所無所從來無
所從去本自然空緣對而興譬如天雨不從
龍出不從水出不從地出不從龍心出皆因
緣合乃致此兩六情諸入亦復如斯猶因緣
成不得獨立生死如是譬如畫師畫作人像
屋宇舍宅象馬車乘未畫作時不見處所工
治壁板素筆綵繪衆緣共合乃成之耳善惡
如是因緣合成若復行道因十善行六度無
極布施持戒忍辱精進一心智慧善權方便
乃合成耳不著佛身不離佛身心意無想自
然如空稍入大慈又修大悲喜護等行不自
爲身當爲他人常爲一切亦不有求身行謹

勅口言謙順心念柔和無有諛諂質朴無邪
又有六事疾得無上正真之道何等六常依
佛住入於正道心不迴還於內意行而自曉
了得善朋友因而委付志願弘綽不以馱足
心非不恊不乏智慧是為六事菩薩行道不
猗于俗不猗於色痛想行識不猗內外隨本
法教不違菩薩深妙之行不廢大慈不失大
悲隨世所乏而救濟之修道正誨不為邪教
一心向慧不為闇蔽分別六衰猶如幻化影
響野馬水中之月夢中所見忽不知處多所
感動柔順法忍是為日光曜三昧離垢目白
佛言何謂為遠成諸利義三昧佛言先覩嘉

瑞見三千佛土衆寶浴池察其左右度地獄
厄遊於曠野逮成竒特聚落揔持則具超越
權度無極又有十事權度無極何謂十入諸
志行建立衆生無極大慈普哀爲本心性調
柔未曾厭倦捨於弟子緣覺之乘所觀審諦
導御道心以諸通慧立不退轉覺了弘智是
爲十事常以正慧遠離邪見自然修道不爲
俗惑深入微妙無極之法普入道俗於俗不
俗於道無倚思及聖教開化衆生老病死者
常護身事摧却六情不隨六衰不從七邪常
攝七覺心了不邪精進不廢順法不違好喜
不恨信根不迷安隱不危志定不亂信財信

知本無戒財不墜小乘慚愧財愧于三界未
得度也著恥財恥不弘慧博聞財聞無等倫
至深遠智布施財施以大道智慧財入於智
慧廣度無極又有十事至不退轉何謂十聞有
度無極心不動迴有佛無佛心不動迴有法
無法心不動迴有聖衆無聖衆心不動迴有
道無道心不動迴有菩薩無菩薩心不動迴
有法身無法身心不動迴有俗無俗心不動
迴有人無人心不動迴有命無命心不動迴
有壽無壽心不動迴是爲十飛到十方教化
諸天及諸群萌以法爲本以道爲元不計吾
我或入地獄救濟苦痛或入禽獸開悟癡冥

或入餓鬼慰滿飢毒隨俗教化各得其所不
爲俗法之所染汙淨如日光明若月滿菩薩
得不退轉能行權變有所開濟輒多保度諸
苦惱者皆獲大安諸無智者悉弘智謀是爲
逮成諸利義三昧離垢目白佛言何謂爲現在
諸佛目前立三昧佛言譬如月盛具足滿時
衆冥皆除喻諸所作精修清淨所願者具成
立佛土教化衆生先覩嘉瑞三千佛土師子
鹿王首戴繒帛其身高大威御雜獸逮成無
上獲諸揔持門八萬四千則具超越以慧成
就又有十事一心定意三昧無想無念專志向
佛衆想皆斷不爲諸求解法悉空不畏三界

不樂無爲不計有爲解知法身是爲十其所
向方聞現在佛常念彼方觀佛衆會四部第
子爲說經法察四大空地如聚沫水如朝露
火如虹電風如搖扇分別四大因緣合成本
無所有自觀身本察一切根本悉無形貌自
觀痛癢察一切痛癢知本無痛癢自觀思想
察一切思想知本無思想自觀其意察一切
意知本無意以觀已空見一切空愍哀八難
釋世八事利衰毀譽有名無名勤苦安隱捨
于八邪不任八正等處有無亦無所住行四
等心慈悲喜護四恩濟衆惠施仁愛饒益等
利一心向佛無諸想念五陰則斷六衰無處

心則得定不見四大不見人民不覩天地人
物化永無所見久久乃覩十方諸佛譬如水濁
不見其底停久不動洋而清徹菩薩如是適
定無想獲無所見五陰六衰燿如雲除日月
光顯覩十方佛以復觀之我至佛所佛爲來
耶心自思惟佛亦不來我亦不往譬如明鏡
清水淨油觀形覩影不入不出菩薩如是覩
十方佛亦無往還譬如夢中歸本鄉里自見
父母兄弟妻子悟則不見菩薩如是見十方
佛從三昧悟都無所見所以者何解知本無
三十二相八十種好但化現耳無形無處譬
如虛空不可別知何者是空法身如斯無有

處所乃能覩達一切之原坐覩十方亦不去
來是爲現在諸佛立目前三昧離垢目復白
佛言何謂爲慧光曜三昧佛言先覩嘉瑞三
千佛土轉輪聖王造法王教無量君臣相輔
百千眷屬營從於虛空中執諸寶華持覆其
身逮成無盡行揔持門六十萬姪諸揔持慧
則具超越教化衆生譬如明月神珠令諸窮匱
周滿所僥具足諸法訓誨群萌隨一切人而
應施與無盡德藏又有十事何謂爲十以法
布施戒攝不順忍攝強暴進攝慢怠一心攝
乱慧攝邪智善權隨時化以大乘闡弘大道
遊於八難度脫八邪等心一切無偏頗行是

爲十住八不思議不捨菩薩觀于三界若如
幻化不以爲實自忖何來去至何所不見去
來隨行所任各各自成譬如野馬夏行曠野
無人之處遙見大河水流駛疾其傍生樹若
于種果而甚茂盛其人飢渴旣熱疲勞不可
復言欲往取之覩之如近走有里數都不見
水乃解野馬無有水也達者頻覩則知無水
不走趣求衆生不了三界如幻化者計吾我
人有壽命聞佛說經一切無常乃思覺之不
復爲惑菩薩解知一切衆生處三界者如化如幻
如影野馬如夢水月悉知本無無著無縛無
脫一切無求猶如慈母養活諸子菩薩如是

開化一切亦無所置譬如導師多將賈人歸
本鄉里不逢惡賊安隱到家菩薩如是以慧
光曜三昧之定携接一切祛淫怒癡三毒之
冥開示三乘大乘為本各令得所譬如醫王
見衆生疾應病授藥諸被病者莫不消除菩
薩如是以慧光曜三昧普見群萌五道之患
三毒酷苦以大慈悲而開化之今奉正教無
極之慧發未發者堅進不轉迴者昇一生補
處至無上正真之道是為慧光曜三昧之定也

超日明三昧經卷上

罔

匿

王屋名力反

適莫

無上音式

恍惚

上

往反下音忽
無形之謂也
一
聲
一
上
必

反下窈冥深上煙燒反也
遠也
屏除音餅屏
林藪音下

水日無苞含交上必邃深私遠也反
洗濯下音綏恤

上音雖安也下瑣琦音上俱回反
縷練上主反力

下即照育向反香
蠢用勅降反又丑
擎巨京反拓

也中跲下宜
蚊巨支反
喘息車反
匱反求位

也黠開八反
仇怨下音求
龜元音
斃并滅

徒且反懼誰音酬
虺一音
疊二同
麤下俱猛

也怕淡上徒取
醜反
許近反
纖息也
廉

也細仿勤音力
憤擾上俱
而小
煩罪也
犯法

戀慕上也合作
烏貫反
嘆也
非此
用戀悼
愛也
援

大苦也回反
僥倖下音幸
福高反下渠
促玉

于 養 反 救 慊 苦 上 牽 點 覲 渠 送 及 謙 遜 下 蘇

也 助 也 他 代 反 上 恨 也 見 也 用 反 七 西

恭 也 態 美 也 反 皆 反 扶 秩 反 悽 反 西

侮 慢 武 輕 譎 詭 上 音 使 下 詐 也 居 委 竊 盜 音 切 誨 音

也 誼 擣 捶 之 上 委 步 瓜 反 擊 也 下 不 按 下 音 報 也 教 去 乳 哺 音 下

也 過 又 四 隅 下 角 音 也 愚 驚 也 業 闢 毗 益 反 雄 傑 下 魚 戰 慄

下 良 吉 惻 愴 上 昌 側 反 慘 切 殪 反 一 計 駛 水 使

二 音 也 諛 諛 反 二 同 羊 朱 也 慘 也 拋 痛 癢 下 音 調

也 虛 吊 上 徒 也 湛 澄 宅 減 反 也 攔 楯 下 音 攔 也 疔 反 繪 下 音 會 盡

也 綽 昌 約 摧 昨 催 反 虹 陰 音 紅 一 音 降 清 徹 下 音 田

列 窮 窮 用 二 同 闡 昌 演 忖 思 本 反 賈 人 賞 上 音 古

祛 丘 居 反 酷 苦 篤 反 毒 也

